



# Kerneier Lyrik

Seite 1

## Bäume

---

### Kernei'r Maulbiere Schnaps... von Nikolaus Schnauffer

Maulbierebeem hott's in Kernei viele gewe,  
Un die Maulbiere war gut zum esse.  
Do hott's welchi gewe, die waare Picksüß wie Honich,  
Viel packt'mr nett esse vun denne, des mohn ich.  
Schwarz, groß, au, die waare gut,  
Dr Saft hott ausgeschaut wie Blut!  
S' hott v'rschiedini Farwe gewe  
Un'mr hott schun gwisst, welli gut waare zum esse.  
A Stick Brot un Maulbiere drzu,  
Na, des war doch gut.  
Uff die Maulbiere-Zeit  
Henn sich vieli gfreit.  
Des waare mool die Kinnr  
Un die Maulbierebeem Schittlr.  
Zamme glese henn vieli Leit  
In dr Reifezeit.  
Vier, fünf Leit  
Waare zum Zamme-Lese b'reit.  
In dr Fruh zeitlich uffsteh'  
Un Maulbiere zammelese geh'.  
A Laatr, a paar Ampre un mit ohme Tuch war'mr ausgrisst  
Un so is'mr um vier Uhr in dr Fruh abg'zischt.  
Vun Boom zu Boom  
Un die Kokasche krähje mit ohme laute Ton.  
Kuckurukuuu,  
„Wu geht'r dann hie' so fruh?“  
Die Laatr am Boom uffgestellt,  
Heint is ohnr dr Boomschittlr-Held.  
A Tuch hott'mr unr am Boom uffghalte,  
Beim schittle sin do die Maulbiere rei'gfalle.  
Drhoom hott'mr die in a Fass gleert  
Un die Maulbiere henn do drin g'gärt.  
Oft hott'mr misse sehge,  
Do, waare die Maulbiere schun zammelese.  
S' hott mehreri Maulbiere-Zamm-Lesr gewe,  
Die Schnaps brenne henn welle.  
Do jagt ohnr am annre die Maulbiere ab,  
Wie'mr des so sagt.  
Zum Schluss henn alli die Fässr vollgkriegt  
Un'mr hott sich umme sunscht rumgstritt.



# Kerneier Lyrik

Seite 2

## Bäume

---

Beim Schnapsbrennr hott'mr sich oo'gmeldt  
Un wam'mr an die Raihje kummt, hott der feststellt.  
Ja, un noot war's soweit,  
Do hott'mr sich schon gfreit.  
Die Maulbiere hott'mr noot zum Brennr gfiehr,  
Am Brennrkessl hott'mr's Feir gschiert.  
Gschiert hott'mr un gschiert  
Un die Maulbiere im Kessl fescht umgriert.  
Ja, un uff ohmool war's soweit,  
Alli henn sich gfreit.  
Er rinnt dr Schnaps, er rinnt  
Un wie schnell der rinnt, ganz gschwind.  
V'rkoschte werre'mr an jetz, kummt her,  
A jedr trinkt a Stampf leer.  
Aaa, der is awr stark un gut,  
Der heizt uff des Blut.  
G'brennt hott'mr an uff ohnunzwanzich Grad,  
Heechr war's nett erlaubt vum Staat.  
Zum Schluss henn sich alli gfreit,  
Die Maulbiere-Zammlesr-Leit.  
Uff a Stampf lad ich eich alli ei'  
Un trinkt mit mir Maulbiereschnaps aus Kernei.